



Universitätsbibliothek Paderborn

**De Breviario Concionatorio, Strenæ, Fidelis Prophetissa
Concionibus de B. M. Virgine serviens, Conciones
Occurrentes & Funebres**

Tylkowski, Wojciech

Oliva, 1686

IX. Quia est Thesauraria Christi gratiarum.

[urn:nbn:de:hbz:466:1-51821](#)

arcanus & ineffabilis. Et *ibidem*. Thesaurus stupendus Ecclesie à *Richardo*. A *S. Lauri*
lib. 72. Os Ecclesiae. A Buteone in hymno. Firmamentum dogmatum Christianorum.
A Theophane in hymno de Assumpt. Lampas multiluca. Ab *Eripban. orat. de laud: B. V.*
Lampas gestans lucem inextinguibilem sole splendidiorem. Et *rufus à Buteone in*
hymno. Gloria veneranda Religiosorum, Sacerdotum. Et *rufus. Fulcimen validum*
fidei. A *S. Bonavent.* in *psalt. Mariano* Firmamentum mirabile totius Religionis.
A. Idafonso serm. 5. de Assumpt. Forma omnium Ecclesiarum. Ab *Andrea Cret. orat.*
2. de Deip. Exultatio olei unctionis. A *Io: Geom: apud Corderum in Luc.* Mensa Panis
vita. A *Bonav. in litan.* B. V. Dapifera deliciarum Dei. Et *rufus à B. But.* in *hymno*
Greco pag: 133. Vita mystici convivij. Et à *S. Germano orat. de Præsent.* B. V. Patroci-
nium omnium Christianorum, in quibus omnibus Sacramentorum & doctrinæ
Christianæ, atque gubernationis ei cum Christo communio tribuitur.

9. Quia est Thesauraria Christi gratiarum.

Indicat *Salvianus lib. 2. de Ecclesia* quam Deus sit ad benefaciendū promptus.
Extendit, (inquit,) Deus super spes nostras munera sua, & quod est maximum &
rarissimum dona illius etiam vota vicerunt. Et *Basil. seleuc. orat. cum ait.* Parturiens
beneficentia Deus suæ munera, & habere clausum penes se thesaurum impotens,
non est contentus prioribus, neque ante è dilargitis rebus sua bona circumscribit:
nihilominus constituit opum suarum thesaurarios Cantic. 5. *Manus ejus tornailes,*
(legunt alii.) Manus ejus Sphærae cœlestes. Numirum sicut natura munera, plu-
viam, calorem, serenitatem, & ejusmodi sub distributionem dedit Sphærarum
cœlestium, ita omnes gratias sub dispensationem Mariæ. *S. Anastas.* *Sinaita lib. 2.*
Hexam.

Versatus est Christus cū proprio orbe, nempe cū Maria. Hæc est illius Sphæra,
& ideo fortassis Ecclesia canit illam, Januam cœli, Matrem Divinæ gratiæ. *S. Hieron.*
postquam ex Apostoli mente ad Ephes. 5. Christum comparavit capiti nostro, Vir-
ginem collo assimilat, per quod communicatio fit corporis cum capite. *S. Bern.*
Alia imagine idem expressit serm. de aquæ ductu. Aquæ ductus (inquiens) est Mariæ,
qui plenitudinem fontis ipsius de corde Patris excipiens, in nos effundit.

Et serm. signum magnum, claris verbis. Totum nos DEUS habere voluit per
Mariam. Cui concinit *S. Anton.* in. 4. part. tit. 15. cap. 20. Virgo est secundum
Christum nobilissima; per quam DEUS suam providentiam & in homines miseri-
cordiam peculiari ratione exercet. *S. Theop.* in *Meneis 17. Jan. ode 7.* Ex ipsa nobis do-
ctorum Cœlestium, quæ mentem humanam excedunt, featurgo prophanat, ut quæ

est torrens quidam bonitatis Divinæ. In eundem modum Sacram Virginem alioquitur *Damian.* serm. 1. de Nativit. Virg. In manibus tuis sunt Thesauri miserationum Domini, & sola es cui (illos tanta gratia dispensandi) conceditur.

Quod ipsum pulcherrimâ imagine *Græca Ecclesia* 24. Martij exprimit, dum illam compellat, ô purum valde vehiculum Divinitatis. Et 16. Julij. Quicunque radios à gratia Spiritus Sancti projectos haurire oculis capimus, illud inquam in occiduum Divini luminis jubar (hoc est qui salvare & videre Deum cupimus) omnes ad gratiæ fontem, (id est ad Genitricem Dei) accurramus oportet: ad ipsius enim votum, summa quæque dona Deus fidelibus communicat. Quia, ut *Bern.* serm. in Vigilia Nativit. D. Indignus eras ô homo cui donaretur: datum est Mariæ per illam acciperes quidquid haberes. Et paulò post. Nihil nos Deus habere volui quod per Mariæ manus non transiret. Et serm. 2. in Pentecost. Merito in te Mari respiciunt oculi universæ creaturæ, quia in te, & per te, & de te benigna manus Omnipotentis quidquid creaverat, recreavit.

Sed hoc ipsum fusius describit *S. Bernardin.* art. 2. sect. 18. A tempore quo Virgo Mater concepit in utero Verbum Dei, quandam ut sic dicam jurisdictionem seu autoritatem obtinuit, in omni Spiritus processione temporali: ita quod nulla creatura à Deo obtinuit aliquam gratiam, vel virtutem, nisi secundum ipsius Matris dispensationem.

Hinc *Bernard.* devotissimus ait: Nulla gratia venit de cœlo ad terram, nisi transeat per manus Mariæ. Meminimus paulò superius dictorum apud *S. Hieron.* Nunc totum proprijs verbis demus. *Serm. de Assumpt.* In Christo fuit plenitudo, sicut in capite influente, in Maria vero sicut in collo transfundente. Unde de Virgine ad Christum *Salomon* ait: *Collum tuum sicut turris eburnea*, nam sicut per colum vitales Spiritus à capite descendunt in corpus, sic per Virginem à capite Christi vitales gratiæ in ejus corpus mysticum transfunduntur. Et post pauca. Non time dicere quod in omnium gratiarum affluxus quandam jurisdictionem habuerit haec Virgo; de cuius utero, quasi de quadam Divinitatis oceano rivuli, & flumina emanabant omnium gratiarum. (Et rursus.) Omnia dona & virtutes & gratias ipsius Spiritus S. quibus vult, quando vult, & quantum vult per manus ipsius administrantur.

Quarè *Rupert.* illud Cantic. 4. expendens. *Emissiones tue paradisus, ita sit:* Quidquid gratiarum, quidquid operationum, quidquid virtutum cœlestium mundus accepit, emissiones tue sunt ô Virgo. *Richard.* à *S. Laur.* lib. 10. dat quasi horum causam; Benè Maria Gazophylacium utriusque Ecclesiæ, quia quidquid boni nobis pauperibus dare dispositus munificentia Divina, in ipsa velut quadam gazophylacio congregavit. Unde dicta est gratiæ plena. Et lib. 1. cap. 4. conversus ad Virginem dixit,

dixit. Benedicta es gratiâ plena, ut ex tuo redundante totus hauriat mundus
Et ibidem cap. 6.

Quidquid beatitudinis ab illo magno mari, id est ab illa infinita bonitate Dei
ad genus humanum pervenit, totum per eam venam defluxit, & ideo quidquid nobis
mititur de supernis, per gratiarum actionem ad eam referendum est, per quam
mediatricem habernus procul dubio quidquid gratiae obtinemus. S. Anselm. lib. de
rat. exclamat. O Femina plena es superplena, de cuius plenitudinis redundantia,
respersa revirescit omnis creatura.

Quod ad duo reducit Idiota cap. 10. Peccatoribus impetas o Virgo gratiam,
quia advocata es miserorum, & honorantibus promittis gloriam, quia thefauratrix
existis gratiarum. Idem in prologo. Thesaurus Domini es, & Thesauraria gratiarum
Dei. Dionys. Cartbus. de vita solit. In manibus tuis sunt omnes thesauri miserationum
Dei. Sed hoc ipsum audiamus ex ore Christi D. apud S. Brigittam lib. 1. cap. 50. dum
Matrem in hunc modum alloquitur. Nulla erit petitio tua ad me, quae non exau-
diatur & per te omnes qui petunt misericordiam cum voluntate emendandi, gra-
tiam habebunt: Quia calor procedit a sole, sic per te omnis misericordia dabitur.
Tu enim quasi fons largifluus, de quo misericordia misericordis fluit.

Quod præconcepit Priscus Orator de festo Acathistico dicendo. Divinæ econo-
mie ac bonitatis Ministra illa Sanctissima prorsusque immaculata Dei Genitrix.
Et s. Bernard. de precat. ad B. V. Maria est Secretaria Magna Dei, ipsa est Thesauraria
SSmæ Trinitatis, in eum sinum omnes thesauros absque mensura transfundit. Deus
3. Reg. 17. oleum multiplicatur elegit donum viduæ, sed haec Vidua ex mente
Richard. & S. Laur. lib. 6. Typus erat Mariæ. Ibi Deus oleum communicationis bo-
norum ut loquitur S. Hieron. in 45. Ezechielis largitur. S. Methodius in Hyppa-
sic de illa habet. Forceps carbonis purificantis, per quem immundi à cunctis sor-
dibus purificantur.

Imò ita Virgo administrat thesauros Dei, ut nemo quidquam ex illis per ali-
quem alium queat accipere. S. German. orat. de zona. Nullus est qui liberetur à
malis, nisi per te o purissima, nemo est cui donum concedatur, nisi per te o castissi-
ma, cui misereatur gratia, nisi per te o honestissima. Quia ut Damiani serm. de Annunt.
Per ipsam & cum ipsa & in ipsa hoc totum faciendum decernitur ita, ut sine illo nihil
factum est, ita sine illa nihil refectum sit. Inde ut Richard. & S. Vict. dixit. Nihil à
throne DEI Divini munieris defluit, quod per Mariæ manus non pertranseat.
Et Bern. serm. 3. de Nativit. Virg. Nihil nos Deus habere voluit quod per Mariæ ma-
nus non transiret.

Hinc à Buteone in hym. dicitur Clavis Regia Christi, ubi videtur respexisse ad
canonem Eccles. Graecorum ode prim: ubi sic Divam Annam illa Ecclesia alloquitur.

O Anna

O Anna largitus est tibi Deus illam Progeniem quæ nobis gratiæ Divinæ januam aperuit. Et quidem ut *Richardus lib. 2. parte i.* Maria non solum gratiam impetrat sed etiam imperatam conservat, & hoc est necesse, quia cito bonum perditur, quod à largiente non custoditur. Propter quod convenit ei illud Eccles. 17. *Gratiam benumis quasi pupillam conservabit.* Hinc ex consilio Alberti Mag. serm. in dedic. Ecclesiæ applicantis Virginis hæc Apostoli verba. *Adeamus cum fiducia ad thronum ejus gratia scilicet Mariæ.* Ex adverso vero quod monuit Adam de Persenia in Allegoria & trop. utriusq; testamenti ad illa verba Eccles. 24. *Quasi oliva speciosa in campis.* Periculum est ad punctum ab illa recedere, apud quam nostræ suavitatis deliciae reponuntur, *divitiae salutis, sapientia & scientia,* penes Virginem nostris usibus reservantur.

10. Quia Christus ejus cultores instar Filiorum habet,
& quodammodo Deificat.

Doctrina hæc est *Grecæ Ecclesiæ in Meneis.* Filius tuus eos qui te uti Deiparam colunt per gratiam in filios adoptat. Sed adhuc expressius *ibid. 14. Martij ex S. Ioseph Confess.* Ecce tuus ille filius, laudatores tuos propalam in Cœlestis Patris filios adoptare cernitur. Et 23. Julij. Porro Filius Dei eos omnes, qui te ut Deiparam serio colunt, in filios suos dignatur adoptare per gratiam. *Eadem Ecclesiæ 8. April.* Christum moribundum ita Matri loquentem inducit. Desine lachrimari ô Mater lucis, sponte enim mea, & patior ista, & morior, paulò post tamen à mortuis surgam, ut glorificem omnes, quicunque te laudibus venerabundi celebrant.

Et hoc est quod dicitur 3. Regum 8. Postquam templum ingressa est Nebula, ingressa est & Gloria Domini. Virgo de se ait Eccles. 24. *Sicut nebula texi omnem terram* cuius itaque hæc Nebula subintrat pectus, sequitur & Dei Gloria. *S. Ioseph. Conf. 28. Maij in Meneis.* Tu navorum expers ô Domina, Regis omnium Thronus effecta es, in quo residens Christus, à ruina jam inveterata nos evexit; unaquæ dignatus est Divino Trinitatis confessu, omnes illos, qui te pari cum amore, & fide magnis afficiunt laudibus. Quod ferè idem dixit S. Theoph. 16. Jan. ode 5. Ex qua prodij induxit hominem Deus, qui cultores suos ô Virgo usque ad lumen sue Divinitatis exaltat. Sed non solum cultores Virginis efficiuntur filii Dei, & gloriæ illius participes, verum etiam quodammodo Deificantur. Ita *Ecclesiæ Grecæ in Meneis 27. Maij.* Per te à vano Divinitatis, per serpentem Evæ suggesto mihi desiderio retractus, plane sum Deificatus.

Id ipsum S. Ioseph Confess. *ibid. Jan. 4. ode 1.* Et S. Sopron. Patriarcha 8. Jan. ode 9. Cùm me totum Deus vellet transformare in Deum, totum univit se tibi ô Maria, sicquæ novum, & incomprehensum repræsentatur mysterium. *Et S. Stephan. 9. Jan. ode 4.*